

Mohd Amirul Kasyful Nur bin Zulkifli

From: Unit Komunikasi Korporat
Sent: Saturday, February 4, 2017 12:16 PM
To: UUM - All Staff; UUM - All Students; Staf - Pesara UUM
Subject: 2269 Warga MOA Berkampung Di UUM Pada Karnival SUKAN MOA 2017



Unit Komunikasi Korporat
CORPORATE COMMUNICATION UNIT
Universiti Utara Malaysia



04 FEBRUARI 2017 / 07 JAMADILAWAL 1438H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee

Gambar oleh: Abdul Halim Husain

2269 WARGA MOA BERKAMPUNG DI UUM PADA KARNIVAL SUKAN MOA 2017



UUM ONLINE: Seramai 2269 warga kerja Kementerian Pertanian dan Industri Asas Tani (MOA), jabatan dan agensi seluruh negara mula berkampung di UUM sejak semalam bagi menjayakan Program Kecemerlangan dan Kecergasan MOA atau Karnival Sukan MOA 2017.

Majlis perasmian telah disempurnakan Timbalan Menteri, Dato' Seri Tajuddin Abdul Rahman di Stadium UUM, malam tadi.

Beliau berkata, program tersebut merupakan aktiviti dwi-tahunan MOA yang dianjurkan buat kali kelapan yang mana Lembaga Kemajuan Pertanian Muda (MADA) menjadi tuan rumah pada kali ini.

Menurutnya, jumlah penyertaan peserta juga adalah yang terbesar sepanjang penganjuran Karnival Sukan MOA itu.

"Program ini menjadi platform yang sesuai tanpa mengira jabatan atau agensi dan pangkat untuk bersama-sama membentuk pasukan yang besar dalam memberikan perkhidmatan terbaik kepada rakyat.

"Kita menyahut seruan Menteri Pertanian Dan Industri Asas Tani untuk mengangkat jenama MOA ke tahap lebih tinggi lagi supaya ia dikenali dan mendapat kepercayaan ramai," katanya.

Ujar beliau, bagi melaksanakan seruan tersebut, semua warga MOA yang mencecah 20,000 orang harus menyokong penuh dengan memberi kerjasama.

Tambahnya lagi, diharap program sukan kali ini akan mewujudkan pasukan mantap dan kuat bagi menjalankan tugas dan tanggungjawab masing-masing.

Sementara itu, Pengerusi MADA, Dato' Othman Aziz berkata, sebanyak 13 kontinjen dari 13 jabatan dan agensi terlibat pada Karnival Sukan MOA tahun ini.

Katanya, program sukan itu adalah bagi meningkatkan hubungan silaturahim antara semua warga MOA, selain mewujudkan budaya hidup sihat.

Beliau yang juga Timbalan Menteri Kewangan turut merakamkan penghargaan kepada UUM atas kerjasama dalam menyediakan fasiliti dan kemudahan sepanjang karnival itu dijalankan.

Pada Karnival Sukan MOA itu, sebanyak 21 acara sukan dipertandingkan dengan penyertaan seramai 2269 atlet dari 13 jabatan dan agensi di bawah MOA sepanjang karnival berlangsung selama lima hari sehingga 7 Februari ini.

Hadir sama Timbalan Naib Canselor (Hal Ehwal Pelajar dan Alumni), Prof Madya Dr Abdul Malek Abdul Karim yang mewakili Naib Canselor, pegawai-pegawai kanan MOA, MADA dan UUM.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
☎ 04-928 3048/3049/3052/3061
☎ 04-928 3053
✉ ukkuum@uum.edu.my
f Universiti Utara Malaysia (Official FB)



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.